



SAKSPAPIR

Saksnr	Utval	Type	Dato
11/2020	Levekårsutvalet	PS	27.04.2020

Sakshandsamar	Arkiv	ArkivsakID
Solrun Hauglum	FA-F03	20/458

FOLKEHELSEPROFIL VAKSDAL 2020

Vedlegg:

Folkehelseprofil 2020

Rådmannen sitt framlegg til vedtak:

Saka vert teken til orientering.

Levekårsutvalet - Sak 11/2020

LEV - Behandling:

Kommunalsjef for helse og omsorg Solrun Hauglum orienterte om folkehelseprofilen utarbeida av folkehelseinstituttet.

Kommunalsjef for oppvekst orienterte om arbeidet med folkehelseoversyn for Vaksdal kommune.

Rådmannen sitt framlegg til vedtak vart samrøystes vedteke.

LEV - Tilråding/Vedtak:

Saka vert teken til orientering.

Saksopplysningar:

Folkehelse er eit kommunalt ansvar, og med Folkehelselova vart ansvaret løfta vekk frå helsetenesta i kommunen og over til kommunen generelt. Det skal i følge lova vera «folkehelse i alle sektorer – helse i alt vi gjør». Det vert understreka kor viktig det er å leggja til rette for samarbeid med frivillig sektor.

Kommunen skal ha skriftleg oversikt over helsetilstand og påverkingfaktorar, og folkehelseprofilar

for kommunar og fylkeskommunar vert utarbeida årleg av Folkehelseinstituttet. Folkehelseprofilane gir ikkje eit godt nok bilete av helsa, men viser enkelte trekk ved folkehelsa i kommunen.

I eit barometer med 34 indikatorar vert det markert korleis kommunen ligg an samanlikna med landsnivået. Raude verdiar markerar at kommunen ligg signifikant dårlegare an enn landssnittet, og grønne verdiar viser at kommunen ligg signifikant betre an. Ein bør likevel vera merksam på at også dei grønne verdiane kan innebera utfordringar for folkehelsa, for landsnivået representerar ikkje alltid ønska nivå. Verdiområdet for dei 10 beste kommunane i landet kan vera eit betre nivå å strekkja seg etter.

Gjennom fleire år har Vaksdal kommune hatt desse raude indikatorane: tal personar med vidaregåande skule eller høgskule i aldersgruppa 30-39 år, drikkevassforsyning, skader behandla i sjukehus, overvekt/fedme ved sesjon 17 år og muskel- og skjelettlidingar.

Me har lege betre an enn landssnittet på følgjande indikatorar: høg valdeltaking, mange i 10. klasse trivst på skulen, har ikkje hatt stort fråfall frå vidaregåande.

I 2018 fekk Vaksdal kommune for første gong raud verdi på born som bur i hushaldningar med låg inntekt. Denne indikatoren var raud også i 2019, men i 2020 vert ikkje Vaksdal markert som signifikant dårlegare enn landssnittet på denne indikatoren.

I 2020 ligg Vaksdal kommune betre an enn landssnittet (grøn indikator) på følgjande område:

- Barn av einslege forsørgjarar.
- Luftkvalitet, fint svevestøv.
- Vold, anmeldte tilfelle.
- Trygt i nærmiljøet på kveldstid (Ungdataundersøkinga 2017).
- Valdeltaking.
- Psykiske symptom/lidingar (fastlege og legevakt).

Område der kommunen har raude indikatorar, d.v.s. ligg signifikant dårlegare an enn landssnittet:

- Vidaregåande skule eller høgskule i aldersgruppa 30-39 år.
- Stønad til livsopphald, 20-66 år.
- Lågaste meistringsnivå i lesing 5. klasse.
- God drikkevassforsyning.
- Personskader behandla i sjukehus.
- Antibiotikabruk 0-79 år.

Folkehelseprofilen for Vaksdal kommune 2020 er vedlagt saka.